

ပရိတ္တပါဠိ

ဆဋ္ဌသံဂါယနာမူ ပရိတ်ကြီးပါဠိတော်

နမောတဿ ဘဂဝတော အရဟတော သမ္မာသမ္ဗုဒ္ဓဿ။

၁။ သမန္တာ စက္ကဝါဠေသု၊ အတြာဂစ္ဆန္တု ဒေဝတာ၊ သဒ္ဓမ္မံ မုနိရာဇဿ၊ သုဏန္တု သဂ္ဂမောက္ခဒံ၊
၂။ ဓမ္မဿဝနကာလော၊ အယံဘဒ္ဒန္တာ။

၃။ နမောတဿ ဘဂဝတော အရဟတော သမ္မာသမ္ဗုဒ္ဓဿ။

၄။ ယေ သန္တာ သန္တစိတ္တာ တိသရဏသရဏာ ဧတ္ထ လောကန္တရေဝါ။ ။ ဘုမ္မာ ဘုမ္မာစ ဒေဝါ ဂုဏ
ဂဏ ဂဟဏ ဗျာဝဠာ သဗ္ဗကာလံ။ ဧတေ အာယန္တု ဒေဝါ ဝရကနကမယေ မေရုရာဇေ ဝသန္တော။
သန္တောသန္တောသ ဟေတံ မုနိဝရဝစနံ သောတုမဂ္ဂံ သမဂ္ဂါ။

၅။ သဗ္ဗေသု စက္ကဝါဠေသု၊ ယက္ခာ ဒေဝါစဗြဟ္မနော။ ယံအမေဟိ ကတံပုညံ၊ သဗ္ဗ သမ္ပတ္တိံ သာဓကံ။
၆။ သဗ္ဗေ တံ အနုမောဒိတွာ၊ သမဂ္ဂါ သာသနေရတာ။ ပမာဒရဟိတာ ဟောန္တု၊ အာရက္ခာသု ဝိသေသ
တော။

၇။ သာသနဿစ လောကဿ၊ ဝုမ္မိ ဘဝတု သဗ္ဗဒါ။ သာသနမ္ပိစ လောကဉ္စ၊ ဒေဝါ ရက္ခန္တုသဗ္ဗဒါ။
၈။ သဒ္ဓိံ ဟောန္တု သုခိ သဗ္ဗေပရိဝါရေဟိ အတ္တနော။ အနိဃာ သုမနာဟောန္တု၊ သဟသဗ္ဗေဟိဉာတိဘိ
၉။ ရာဇတောဝါ စောရတောဝါ မနုဿတောဝါ အမနုဿတောဝါ အဂ္ဂိတောဝါ ဥဒကတောဝါ ပိသာ
စတောဝါ ခါဏုကတောဝါ ကဏကတောဝါ နက္ခတ္တတောဝါ ဇနပဒရောဂတော ဝါ အသဒ္ဓမ္မ
တောဝါ အသန္နိဋ္ဌိတော ဝါ အသပ္ပုရိသတော ဝါ စဏ္ဍ ဟတ္ထိ အဿ မိဂ ဂေါဏ ကုက္ကုရ အဟိ
ဝိစ္ဆိက မဏိသပ္ပ ဒီပိ အစ္ဆ တရစ္ဆ သူကရ မဟိံ သ ယက္ခာ ရက္ခာသာဒီဟိ နာနာ ဘယတော ဝါ
နာနာရောဂတော ဝါ နာနာဥပဒ္ဒဝ တော ဝါ အာရက္ခံ ဂဏှန္တု။

၁-မင်္ဂလသုတ္တ

၁၀။ ယံ မင်္ဂလံ ဒွါဒသဟိ ၊ စိန္တယိံ သု သဒေဝကာ။ သောတ္တာနံ နာဓိဂစ္ဆန္တိ၊ အဋ္ဌတ္တိံ သဉ္စ မင်္ဂလံ။
၁၁။ ဒေသိတံ ဒေဝဒေဝေန၊ သဗ္ဗပါပဝိနာသနံ။ သဗ္ဗလောက ဟိတတ္ထာယ၊ မင်္ဂလံ တံ ဘဏာမာဟေ။
၁၂။ ဧဝံ မေ သုတံ -ဧကံ သမယံ ဘဂဝါ သာဝတ္ထိယံ ဝိဟရတိ ဇေတဝနေ အနာထပိဏ္ဍိကဿ အာ
ရာမေ။ အထခေါ အညတရာ ဒေဝတာ အဘိက္ကန္တာယ ရတ္ထိယာ အဘိက္ကန္တာဝဏ္ဏာ ဧဝံလကပုံ
ဇေတဝနံ ဩဘာသေတွာ ယေန ဘဂဝါ တေနပသင်္ကမိ။ ဥပသင်္ကမိတွာ ဘဂဝန္တံ အဘိဝါဒေတွာ
ဧကမန္တံ အဋ္ဌာသိ။ ဧကမန္တံ ဌိတာခေါ သာ ဒေဝတာ ဘဂဝန္တံ ဂါတာယ အဇ္ဈဘာသိ။
၁၃။ ဗဟုဒေဝါ မနုဿ စ မင်္ဂလာနိ အစိန္တ ယုံ။ အာကင်္ခမာနာ သောတ္တာနံ ဗြူဟိမင်္ဂလ မုတ္တမံ။
၁၄။ အသေဝနာစ ဗာလာနံ ပဏ္ဍိတာနဉ္စ သေဝနာ ၊ ပူဇာ စ ပူဇနေယျာနံ ဧတံ မင်္ဂလမုတ္တမံ။
၁၅။ ပတိရူပ ဒေသဝါသောစ ပုဗ္ဗေ စ ကတပုညတာ။ အတ္တသမ္မာပဏီမိ စ ဧတံ မင်္ဂလမုတ္တမံ။

၁၆။ဗာဟုသစ္စ ဝိပုဉ္ဇ ဝိနယော စ သုသိက္ခိတော။ သုဘာသိတာ စ ယာ ဝါစာ၊ ဧတံ မင်္ဂလမုတ္တမံ။
 ၁၇။မာတာပိတု ဥပဋ္ဌာနံ၊ ပုတ္တဒါရဿ သင်္ဂဟော။ အနာကုလာ စ ကမ္မန္တာ ၊ ဧတံ မင်္ဂလ မုတ္တမံ။
 ၁၈။ဒါနဉ္စ ဓမ္မစရိယာ စ ၊ ဉာတကာနဉ္စ သင်္ဂဟော ။ အနဝဇ္ဇာနိ ကမ္မာနိ ၊ ဧတံ မင်္ဂလ မုတ္တမံ။
 ၁၉။အာရတီ ဝိရတီ ပါပါ ၊ မဇ္ဇပါနာ စ သံယမော ။ အပ္ပမာဒေါစ ဓမ္မေသု ဧတံ မင်္ဂလ မုတ္တမံ။
 ၂၀။ဂါရဝေါ စ နိဝါတော စ ၊ သန္တုဋ္ဌိ စ ကတညူတာ ။ ကာလေန ဓမ္မဿဝနံ ဧတံ မင်္ဂလ မုတ္တမံ။
 ၂၁။ခန္တိ စ သောဝစသတော ၊ သာမဏာနဉ္စ ဒဿနံ ၊ ကာလေန ဓမ္မသာကစ္ဆာ၊ဧတံ မင်္ဂလ မုတ္တမံ။
 ၂၂။တပေါ စ ဗြဟ္မစရိယဉ္စ၊ အရိယသစ္စာန ဒဿနံ ။ နိဗ္ဗာနသစ္စိကိရိယာ စ ၊ ဧတံ မင်္ဂလ မုတ္တမံ။
 ၂၃။ဖုဋ္ဌဿ လောကဓမ္မေဟိ၊ စိတ္တံ ယဿန ကမ္မတိ ။ အသောက် ဝိရဇံ ခေမံ ၊ ဧတံ မင်္ဂလ မုတ္တမံ။
 ၂၄။ဧတာဒိသာနိ ကတွာန၊ သဗ္ဗတ္ထ မပရာဇိတာ။ သဗ္ဗတ္ထသောတ္ထိံ ဂစ္ဆန္တိ ၊ တံ တေသံ မင်္ဂလ မုတ္တမံ။

မင်္ဂလသုတ္တံ နိဋ္ဌိတံ။

၂-ရတနသုတ္တ

၂၅။ပဏိဓာနတော ပဋ္ဌာယ တထာဂတဿ ဒသပါရမီယော ဒသဥပါရမီယော ဒသပရမတ္ထပါရမီ
 ယောတိ သမတ္ထိံ သ ပါရမီယော ပဉ္စ မဟာပရိစ္စာဂေ လောကတ္ထစရိယံ ဉာတတ္ထစရိယံ ဗုဒ္ဓတ္ထ
 စရိယန္တိ တိဿော စရိယာယော ပစ္စိမာဂေ ဂဗ္ဘဝေါက္ကန္တိ ဇာတိံ အဘိနိက္ခမနံ ပဓာနစရိယံ
 ဗောဓိပလ္လင်္ဂေ မာရဝိဇယံ သဗ္ဗညုတညာဏပုဋ္ဌိဝေဓံ ဓမ္မစက္ကပ္ပဝတ္တနံ နဝ လောကုတ္တရဓမ္မေတိ
 သဗ္ဗေပိ မေ ဗုဒ္ဓဂုဏေ အာဝဇ္ဇေတွာ ဝေသာလိယာ တီသု ပါကာရန္တ ရေသု တိယာမရတ္ထိံ ပရိတ္တံ
 ကရောန္တော အာယသ္မာ အာနန္ဒတ္ထေရော ဝိယ ကာရုညစိတ္တံ ဥပဋ္ဌပေတွာ-

၂၆။ကောဋီသတသဟဿေသု၊ စက္ကဝါဠေသုဒေဝတာ၊ ယသာဏံ ပဋိဂ္ဂဏ္ဍန္တိ ယဉ္စဝေသာလိယာပုရေ၊
 ၂၇။ရောဂါမနုဿဒုဗ္ဗိက္ခ-သမ္ဘုတံ တိဝိဓံ ဘယံ ။ ခိပ္ပ မန္တ ရဓာပေသိ ၊ ပရိတ္တံ တံ ဘဏာမ ဟေ။
 ၂၈။ယာနီဓ ဘူတာနိ သမာဂတာနိ၊ ဘုမ္မာနိ ဝါ ယာနိ ဝ အန္တ လိက္ခေ ။ သဗ္ဗေဝ ဘူတာ သုမနာ
 ဘဝန္တု၊ အထောပိ သက္ကစ္စ သုဏန္တု ဘာသိတံ။

၂၉။တသ္မာ ဟိ ဘူတာ နိသာမေထ သဗ္ဗေ၊ မေတ္တံ ကရောထ မာနုသိယာ ပဇာယ။ ဒိဝါ စ ရတ္ထောစ
 ဟရန္တိ ယေ ဗလိံ ၊ တသ္မာ ဟိ နေ ရက္ခထ အပ္ပမတ္တာ။

၃၀။ယံကိဉ္စိ ဝိတ္တံ ဣဓ ဝါ ဟုရံ ဝါ၊ သဂ္ဂေသု ဝါ ယံ ရတနံပဏိတံ။ နနော သမံအတ္ထိတထာဂထေန
 ဣဒမ္ပိ ဗုဒ္ဓေ ရတနံ ပဏိတံ၊ ဧတေန သစ္စေန သုဝတ္ထိံ ဟောတု။

၃၁။ခယံ ဝိရာဂံ အမတံ ပဏိတံ၊ ယဒဇ္ဈဂါ သကျမုနိ သမာဟိတော။ န တေန ဓမ္မေန သမတ္ထိံ ကိဉ္စိ
 ဣဒမ္ပိ ဓမ္မေ ရတနံ ပဏိတံ၊ ဧတေန သစ္စေန သုဝတ္ထိံ ဟောတု။

၃၂။ယံ ဗုဒ္ဓ သေဋ္ဌော ပရိဝဏ္ဏယီ သုစိံ ၊ သမာဓိ မာနန္တ ရိကည မာဟု။ သမာဓိနာ တေ န သမော န
 ဝိဇ္ဇတိ၊ ဣဒမ္ပိ ဓမ္မေ ရတနံ ပဏိတံ ဧတေန သစ္စေန သုဝတ္ထိံ ဟောတု။

၃၃။ယေ ပုဂ္ဂလာ အဋ္ဌ သတံ ပသတ္တာ၊ စတ္တာရိ ဧတာနိ ယုဂါနိဟောန္တိ တေဒက္ခိဏေယျာ သုဂတဿ
 သာဝကာ၊ ဧတေသု ဒိန္နာနိ မဟပ္ပလာနိ။ ဣဒမ္ပိ သံဃေ ရတနံ ပဏိတံ ၊ ဧတေန သစ္စေန သုဝတ္ထိံ
 ဟောတု။

၃၄။ယေ သုပ္ပယုတ္တာ မနသာ ဒဠေန နိက္ကာမိနော ဂေါတမသာသနမ္ပိ၊တေ ပတ္တိပတ္တာ အမတံ ဝိဂယ၊

လဒ္ဓါ မုဓာ နိဗ္ဗုတံ ဘုဉ္ဇမာနာ။ ဣဒမ္ပိ သံဃေရတနံ ပဏိတံ ဧတေန သစ္စေန သုဝတ္ထိ ဟောတု။

၃၅။ယထိန္ဒဒီလော ပထဝိဿိတော သိယာ၊စတုတ္ထိ ဝါတေဟိ အသမ္ပကမ္ပိယော။ တထူပမံ သပ္ပုရိသံ

ဝဒါမိ။ယော အရိယသစ္စာနိ အဝေစ္စ ပဿတိ။ ဣဒမ္ပိ သံဃေ ရတနံ ပဏိတံ ဧတေန သစ္စေန

သုဝတ္ထိ ဟောတု။

၃၆။ယေ အရိယသစ္စာနိ ဝိဘာဝယန္တိ ဂမ္ဘီရပညေန သုဒေသိတာနိ။ ကိဉ္ဇာပိ တေ ဟောန္တိ ဘုသံ

ပမတ္တာ၊ န တေ ဘဝံ အဋ္ဌမ မာဒယိန္တိ ဣဒမ္ပိ သံဃေ ရတနံ ပဏိတံ ဧတေန သစ္စေန သုဝတ္ထိ

ဟောတု။

၃၇။သဟာဝဿ ဒဿနသမ္ပဒါယ တယသု ဓမ္မာ ဇဟိတာ ဘဝန္တိ သက္ကာယဒိဋ္ဌိ ဝိစိကိစ္ဆိတဉ္စ

သီလဗ္ဗတံ ဝါပိ ယဒတ္ထိ ကိဉ္ဇိ။

၃၈။စတူဟပါယေဟိ စ ဝိပ္ပမုတ္တော ဆစ္စာဘိဋ္ဌာနာနိ အဘဗ္ဗ ကာတုံ၊ ဣဒမ္ပိ သံဃေ ရတနံ ပဏိတံ

ဧတေန သစ္စေန သုဝတ္ထိ ဟောတု။

၃၉။ကိဉ္ဇာပိ သော ကမ္မ ကရောတိ ပါပကံ ကာယေန ဝါစာ ဥဒ စေတသာဝါ အဘဗ္ဗ သောတဿ

ပဋိစ္စဒါယ အဘဗ္ဗတာ ဒိဋ္ဌပဒဿ ဝုတ္တာ၊ ဣဒမ္ပိ သံဃေ ရတနံ ပဏိတံ ဧတေန သစ္စေန

သုဝတ္ထိ ဟောတု။

၄၀။ဝနပ္ပဂုဓေ ယထ ဖုဿိတဂ္ဂေ ဂိမ္မာနမာသေ ပဋ္ဌမသ္မိံ ဂိ မှေ၊တထူပမံ ဓမ္မဝရံ အဒေသယိ၊နိဗ္ဗာန

ဂါမိံ ပရမံ ဟိတာယ။ ဣဒမ္ပိ ဗုဒ္ဓေ ရတနံ ပဏိတံ ဧတေန သစ္စေန သုဝတ္ထိ ဟောတု။

၄၁။ဝရော ဝရညူ ဝရဒေါ ဝရာဟရော အနုတ္တရော ဓမ္မဝရံ အဒေသယိ ဣဒမ္ပိ ဗုဒ္ဓေ ရတနံ ပဏိတံ

ဧတေန သစ္စေန သုဝတ္ထိ ဟောတု။

၄၂။ခီဏံ ပုရာဏံ နဝ နတ္ထိ သမ္ဘဝံ ပိရတ္တစိတ္တာယတိယေ ဘဝသ္မိံ၊ တေ ခီဏပိဇာ အဝိရူဠိဆန္တာ၊

နိဗ္ဗန္တိ မိရာ ယထာယံ ပဒီပေါ ဣဒမ္ပိ သံဃေ ရတနံ ပဏိတံ ဧတေန သစ္စေန သုဝတ္ထိ ဟောတု။

၄၃။ယာနိဓ ဘူတာနိ သမဂတာနိ၊ဘုမ္မာနိ ဝါ ယာနိ ဝ အန္တ လိက္ခေ။တထာဂတံ ဒေဝမနုဿပူဇိတံ၊

ဗုဒ္ဓံနမဿာမ သုဝတ္ထိ ဟောတု။

၄၄။ယာနိဓ ဘူတာနိ သမဂတာနိ၊ဘုမ္မာနိ ဝါ ယာနိ ဝ အန္တ လိက္ခေ။တထာဂတံ ဒေဝမနုဿပူဇိတံ၊

ဓမ္မံ နမဿာမ သုဝတ္ထိ ဟောတု။

၄၅။ယာနိဓ ဘူတာနိ သမဂတာနိ၊ဘုမ္မာနိ ဝါ ယာနိ ဝ အန္တ လိက္ခေ။တထာဂတံ ဒေဝမနုဿပူဇိတံ၊

သံဃာ နမဿာမ သုဝတ္ထိ ဟောတု။

ရတနသုတ္တံ နိဋ္ဌိတံ။

၃-မေတ္တသုတ္တံ

၄၆။ယဿနုဘာဝတောယက္ခာ နေဝ ဒဿေန္တိ ဘိသနံ၊ယဉ္ဇိ စေဝါ နုယုဉ္ဇန္တော၊ရတ္တိန္ဒိဝ မတန္တိ တော

၄၇။ သုခံ သုပတိ သုတ္တောစ ပါပံကိဉ္ဇိ န ပဿတိ၊ ဧဝမာဒိ ဂုဏုပေတံ ပရိတ္တံ တံ ဘဏာမ ဟေ။

၄၈။ကရဏီယမတ္တကုသလေန၊ ယန္တ သန္တံ ပဒံ အဘိသမေစ္စ။ သက္ကော ဥဇူ စ သုဟုဇူစ၊ သုဝစော

စဿ မုဒု အနတိမာနိ။

၄၉။ သန္တုဿကော စ သုဘရော စ အပ္ပကိစ္စော စ သလ္လဟုကုတ္တိ သန္တိန္ဒြိယော စ နိပကော စ အပ္ပဂဗ္ဘော ကုလေသ္မ နနုဂိဒ္ဒေါ။

၅၀။ န စ ခုဒ္ဒ မာစရေ ကိဉ္ဇိ၊ ယေနဝိညှ ပရေ ဥပဝဒေယျံ၊ သုခိနော ဝ ခေမိနော ဟောန္တု၊ သဗ္ဗသတ္တာ ဘဝန္တု၊ သုခိတတ္တာ။

၅၁။ ယေကေစိ ပါဏ ဘူတတ္ထိ တသာ ဝါ ထာဝရာ ဝ နဝသေသာ၊ ဒီဃာဝါ ယေ ဝ မဟန္တာ မဇ္ဈိမာ ရဿကာ အဏုကထူလာ။

၅၂။ ဒိဋ္ဌာဝါ ယေဝ အဒိဋ္ဌာ ယေဝ ဒူရေ ဝသန္တိ အဝိဒူရေ ဘူတာ ဝ သမ္ဘဝေသီဝ သဗ္ဗသတ္တာ ဘဝန္တု၊ သုခိတတ္တာ။

၅၃။ န ပရော ပရံ နိကုဗ္ဗေထ၊ နာတိမညေထ ကတ္တစိန ကိဉ္ဇိ၊ ဗျာရောသနာ ပဋိဃသည နာညမညဿ ဒုက္ခမိစ္ဆေယျ။

၅၄။ မာတာ ယထာ နိယံ ပုတ္တ မာယုသာ ဧကပုတ္တမနုရက္ခေ ဧဝမ္ပိ သဗ္ဗဘူတေသု မာနသံ ဘာဝယေ အပရိမာဏံ။

၅၅။ မေတ္တဉ္စ သဗ္ဗလောကသ္မိံ၊ မာနသံ ဘာဝယေ အပရိမာဏံ ဥဒ္ဓံ အဓော စ တိရိယဉ္စ အသမ္မာဓံ အဝေရ မ သပတ္တံ။

၅၆။ တိဋ္ဌံ စရံ နိသိန္နောဝ၊ သယာနော ယာဝတာဿ ဝိတမိဒ္ဒေါ။ ဧတံ သတိံ အဓိဋ္ဌေယျ၊ ဗြဟ္မ မေတံ ဝိဟာရ မိမ မာဟု။

၅၇။ ဒိဋ္ဌိဉ္စ အနုပဂ္ဂမ္မ၊ သီလဝါ ဒဿနေန သမ္ပန္နော။ ကာမေသု ဝိနေယျ ဂေဓံ၊ န ဟိ ဇာတုဂ္ဂဗ္ဗသေယျ ပုန ရေတိ။

မေတ္တသုတ္တံ နိဋ္ဌိတံ။

၄-ခန္တ သုတ္တ

၅၈။ သဗ္ဗသီဝိသ ဇာတိနံ ဒိဗ္ဗမန္တာဂဒံ ဝိယ၊ ယံ နာသေတိ ဝိသံ ဃောရံ သေသဉ္ဇာပိ ပရိဿယံ။

၅၉။ အာဏာက္ခေတ္တမိ သဗ္ဗတ္ထ၊ သဗ္ဗဒါ သဗ္ဗပါဏိနံ၊ သဗ္ဗသောပိ နိဝါရေတိ၊ ပရိတ္တံ တံဘဏာမ ဟေ။

၆၀။ ဝိရူပက္ခေဟိ မေ မေတ္တံ၊ မေတ္တံ ဧရာပထေဟိ မေ။ ဆဗျာပုတ္တေဟိ မေ မေတ္တံ၊ မေတ္တံ ဂဏှာဂေါတ မကေဟိ စ ။

၆၁။ အပါဒကေဟိမေ မေတ္တံ မေတ္တံ ဒွိပါဒကေဟိ မေ။ စတုပ္ပဒေဟိ မေ မေတ္တံ မေတ္တံ ဗဟုပ္ပဒေဟိမေ ြေ။ မာ မံ အပါဒကော ဟိံ သိ မာ မံ ဟိံ သိဒွိပါဒကော။ မာမံ စတုပ္ပဒေဟိ ဟိံ သိ မာမံ ဟိံ သိ ဗဟုပ္ပဒေဟိ။

၆၂။ သဗ္ဗေ သတ္တာ သဗ္ဗေ ပါဏာ သဗ္ဗေ ဘူတာစ ကေဝလာ၊ သဗ္ဗေ ဘဒြာနိ ပဿန္တု၊ မာ ကိဉ္ဇိ ပါပ မာဂမာ။

၆၃။ အပ္ပမာဏော ဗုဒ္ဓော အပ္ပမာဏော ဓမ္မော အပ္ပမာဏော သံဃော ပမာဏဝန္တာန သရီသပါနိ၊ အဟိံ ဝိစ္ဆိကာ သတပဒီ ဥဏှနာဘိ သရဗူ မူသိကာ။

၆၅။ ကတာ မေ ရက္ခာ ကတံ မေ ပရိတ္တံ ပဋိက္ခမန္တု၊ ဘူတာနိ၊ သောဟံ နမော ဘဂဝတော နမော သတ္တာန္တံ သမ္မာသမ္ဗုဒ္ဓာနံ။

ခန္တသုတ္တံ နိဋ္ဌိတံ။

၅-မောရသုတ္တ

၆၆။ပူရေန္တံ ဗောဓိသမ္ဘာရေ နိဗ္ဗတ္တံ မောရယောနိယံ။ ယေန သံဝိဟိတာရက္ခံ မဟာသတ္တံ ဝနေစရာ။
၆၇။စိရသံ ဝါယမန္တာပိ နေဝ သက္ခိံ သု ဂဏှိတုံ။ “ ဗြဟ္မမန္တ ” န္တိ အက္ခာတံ ပရိတ္တံ တံ ဘဏာမ
ဟေ။

၆၈။ဥဒေတယံ စက္ခုမာ ဧကရာဇာဟရိဿဝဏ္ဏော ပထဝိပ္ပဘာသော တံ တံ နမဿမိ ဟရိဿဝဏ္ဏံ
ပထဝိပ္ပဘာသံ တယာဇ္ဇ ဂုတ္တာ ဝိဟရေမု ဒိဝသံ။

၆၉။ယေ ဗြဟ္မာဏာ ဝေဒဂူ သဗ္ဗဓမ္မေ တေ မေ နမော တေ စ မံ ပါလယန္တု နမတ္ထု ဗုဒ္ဓာနံ နမတ္ထု
ဗောဓိယာ။နမောဝိမုတ္တာနံ နမော ဝိမုတ္တိယာ ဣမံ သော ပရိတ္တံ ကတွာ မောရောစရတိ ဒေသနာ
၇၀။အပေတယံစက္ခုမာ ဧကရာဇာ ဟရိဿဝဏ္ဏော ပထဝိပ္ပဘာသော တံ တံနမဿမိ ဟရိဿဝဏ္ဏံ
ပထဝိပ္ပဘာသံ တယာဇ္ဇ ဂုတ္တာ ဝိဟရေမု ရတ္တိံ ။

၇၁။ယေ ဗြဟ္မာဏာ ဝေဒဂူ သဗ္ဗ ဓမ္မေ တေ မေ နမော တေ စ မံ ပါလယန္တု နမတ္ထု ဗုဒ္ဓာနံ နမတ္ထု
ဗောဓိယာ နမော ဝိမုတ္တာနံ နမော ဝိမုတ္တိယာ ဣမံ သော ပရိတ္တံကတွာ မောရောဝါသမကပ္ပယိ။

မောရသုတ္တံ နိဋ္ဌိတံ။

၆-ဝဋ္ဋသုတ္တ

၇၂။ပူရေန္တံ ဗောဓိသမ္ဘာရေ နိဗ္ဗတ္တံ ဝဋ္ဋ ဇာတိယံ။ ယဿ တေဇေန ဒါဝဂ္ဂိ၊ မဟာသတ္တံ ဝိဝဇ္ဇယိ။
၇၃။ထေရဿ သာရိပုတ္တဿ လောကနာတေန ဘာသိတံ၊ ကပ္ပဋ္ဌာယိ မဟာတေဇံ ပရိတ္တံ တံ
ဘဏာမ ဟေ။

၇၄။အတ္ထိ လောကေ သီလဂုဏော၊ သစ္စံ သောစေယျ နုဒ္ဒယာ။တေန သစ္စေန ကာဟာမိ သစ္စကိရိယ
မုတ္တမံ။

၇၅။အာဝဇ္ဇေတွာ ဓမ္မဗလံ သရိတွာ ပုဗ္ဗကေ ဇိနေ။ သစ္စဗလ မဝဿာယ သစ္စကိရိယ မကာသ ဟံ။
၇၆။သန္တိပက္ခာ အပတနာ သန္တိပါဒါ အဝဉ္စနာ မာတာ ပိတာ စ နိက္ခန္တော ဇာတာဝေဒ ပဋိက္ကမ။
၇၇။သဟ သစ္စေ ကတေ မယံ မဟာပဇ္ဇလိတော သိခိ ဝဇ္ဇေသိ သောဋ္ဌသ ကရိသာနိ ဥဒကံ ပတွာ
ယထာ သိခိ။ သစ္စေန မေ သမော နတ္ထိ ဒေသာ မေ သစ္စပါရမီ။

ဝဋ္ဋသုတ္တံ နိဋ္ဌိတံ။

၇-ဓဇဂ္ဂသုတ္တ

၇၈။ယဿနုဿရဏေနာပိ၊ အန္တလိက္ခေပိ ပါဏိနော။ ပတိဋ္ဌ မမိဂစ္ဆန္တိ ဘူမိယံ ဝိယ သဗ္ဗတာ။
၇၉။သဗ္ဗု ပဒ္ဒဝဇာလမှာ ယက္ခာစောရာ ဒိသမ္ဘဝါ။ ဂဏာနာ န စ မုတ္တာနံ ပရိတ္တံ တံ ဘဏာမ ဟေ။

၈၀။ဧဝံ မေ သုတံ-ဧကံသမယံ ဘဂဝါ သာဝတ္ထိယံဝိဟရတိဇေတဝနေ အနာထပိဏ္ဍိကဿအာရမေ
၈၁။တကြ ခေါ ဘဂဝါ ဘိက္ခု အာမန္တေ သိ ဘိက္ခဝေါ တိ။ “ဘဒန္တေ ” တိတေ ဘိက္ခု ဘဂဝတော
ပစ္စယောသံ။ ဘဂဝါ ဧတဒဝေါစ-ဘူတံပုဗ္ဗံ ဘိက္ခဝေ ဒေဝါသုရ သင်္ဂါမော သမူပဗျူဋ္ဌော
အဟောသိ ။ အထ ခေါ ဘိက္ခဝေ သက္ကော ဒေဝါနမိန္ဒော ဒေဝေ တာဝတိံ သေ အာမန္တေ သိ-
“သစေမာရိသာ ဒေဝါနံ သင်္ဂါမဂတာနံ ဥပ္ပဇ္ဇေယျ ဘယံ ဝါ ဆမ္ဘိတတ္တံ ဝါ လောမဟံသောဝါ
မမေဝ တသ္မိံ သမယေ ဓဇ္ဇေ ဥလ္လောကေယျာထ မမံ ဟိ ဝေါ ဓဇ္ဇေ ဥလ္လောကယတံ ယံ ဘဝိ
ဿတိ ဘယံ ဝါ ဆမ္ဘိတတ္တံ ဝါ လောမဟံသော ဝါ။ သောပဟီယိဿတိ။

၈၂။နော စ စေမ ဓဇ္ဇေ ဥလ္လောကေယျာထ အထပဇာပတိဿ ဒေဝရာဇဿဓဇ္ဇေ ဥလ္လောကေယျာထ
ပဇာပတိဿ ဟိ ဝေါ ဒေဝရာဇဿ ဓဇ္ဇေ ဥလ္လောကယတံ ယံ ဘဝိဿတိ ဘယံ ဝါ ဆမ္ဘိတတ္တံ
ဝါ လောမဟံသော ဝါ။ သော ပဟီယိဿတိ။

၈၃။နော စေ ပဇာပတိဿ ဒေဝရာဇဿ ဓဇ္ဇေ ဥလ္လောကေယျာထ အထ ဝရုဏဿ ဒေဝရာဇဿ
ဓဇ္ဇေ ဥလ္လောကယတံ ယံ ဘဝိဿတိ ဘယံ ဝါ ဆမ္ဘိတတ္တံ ဝါ လောမဟံသော ဝါ သောပဟီယိ
ဿတိ။

၈၄။နော စေ ဝရုဏဿ ဒေဝရာဇဿ ဓဇ္ဇေ ဥလ္လောကေယျာထ အထ ဤသာနဿ ဒေဝရာဇဿ
ဓဇ္ဇေ ဥလ္လောကေယျာထ ဤသာနဿ ဟိဝေါ ဒေဝရာဇဿ ဓဇ္ဇေ ဥလ္လောကယတံ ယံ ဘဝဿ
တိ ဘယံ ဝါ ဆမ္ဘိတတ္တံ ဝါ လောမဟံသော ဝါ သောပဟီယိဿတိ ” တိ။

၈၅။ တံ ခေါ ပန ဘိက္ခဝေသက္ကဿဝါဒေဝါနမိန္ဒဿ ဓဇ္ဇေ ဥလ္လောကယတံ ပဇာပတိဿ ဝါ ဒေဝါ
ရာဇဿ ဓဇ္ဇေ ဥလ္လောကယတံ ဝရုဏဿ ဝါ ဒေဝရာဇဿ ဓဇ္ဇေ ဥလ္လောကယတံ ဤသာနဿ
ဝါဒေဝရာဇဿ ဓဇ္ဇေ ဥလ္လောကယတံ ယံ ဘဝဿတိ ဘယံ ဝါ ဆမ္ဘိတတ္တံ ဝါ လောမဟံသော
ဝါ သောပဟီယေထာပိ နော ပဟီယေထ။

၈၆။တံ ကိဿ ဟေတု သက္ကော ဟိ ဘိက္ခဝေ ဒေဝါနမိန္ဒော အဝိတရာဂေါ အဝိတဒေါသော အဝိတ
မောဟော ဘိရူ ဆမ္ဘိ ဥကြာသီ ပလာယိတိ။

၈၇။အဟဉ္စ ခေါ ဘိက္ခဝေ ဧဝံ ဝဒါမိ-သစေ တုမှာကံ ဘိက္ခဝေ အရညဂတာနံ ဝါ ရုက္ခမူလဂတာနံ
ဝါ သုညဂါရဂတာနံ ဝါ ဥပဇ္ဇေယျ ဘယံ ဝါ ဆမ္ဘိတတ္တံ ဝါ လောမဟံသော ဝါ မမေဝတသ္မိံ
သမယေ အနုဿရေယျာထ။

၈၈။ဣတိပိ သောဘဂဝါ အရဟံ သမ္မာသမ္ဗုဒ္ဓေါ ဝိဇ္ဇာစရဏသမ္ပန္နော သုဂတောလောကဝိဒူ အနုတ္တ
ရောပုရိသဒမ္မသာရထိ သတ္တာဒေဝမနုဿာနံ ဗုဒ္ဓော ဘဂဝါ ” တိ။

၈၉။မမံ ဟိ ဝေါ ဘိက္ခဝေ အနုဿရတံ ဟံ ဘဝိဿတိ ဘယံ ဝါ ဆမ္ဘိတတ္တံ ဝါ လောမဟံသော ဝါ
သောပဟီယိဿတိ။

၉၀။နော စေမံ အနုဿရေယျာထ။ အထ ဓမ္မံ အနုဿရေယျာထ
၉၁။ “ သွာက္ခာတော ဘဂဝတာ ဓမ္မော သန္နိဋ္ဌိကော အကာလိကော ဧဟိပဿိကော ဩပနေယျိကော
ပစ္စတ္တံ ဝေဒိတဗ္ဗော ဝိညူဟီ ” တိ။

၉၂။ဓမ္မံ ဟိ ဝေါ ဘိက္ခဝေ အနုဿရတံ ယံ ဘဝိဿတိ ဘယံ ဝါ ဆမ္ဘိတတ္တံ ဝါ လောမဟံသော ဝါ
သော ပဟီယိဿတိ။

၉၃။ နော စေ ဓမ္မံ အနုဿရေယျာထ အထ သံဃံ အနုဿရေယျာထ ။

၉၄။ “ သုပ္ပဋိပန္နော ဘဂဝတော သာဝကသံဃော ဥဇုပ္ပဋိပန္နော ဘဂဝတော သာဝကသံဃော ဥာယ ပုဋိပန္နော ဘဂဝတော သာဝကသံဃော သာမိစိပုဋိပန္နော ဘဂဝတော သာဝကသံဃော ယဒိဒံ စတ္တာရိ ပုရိသယုဂါနိ အဋ္ဌ ပုရိသပုဂ္ဂလာ ဒေ ဘဂဝတော သာဝကသံဃော အာဟုနေယျော ပါဟုနေယျော ဒက္ခိဏေယျော အဉ္စလိကရဏီယော အနုတ္တရံ ပုညက္ခေတ္တံ လောကဿ ” တိ။

၉၅။ သံဃံ ဟိ ဝေါ ဘိက္ခဝေ အနုဿရတံ ယံ ဘဝိဿတိ ဘယံ ဝါ ဆမ္ဘိတတ္ထံ ဝါ လောမဟံသော ဝါ သော ပဟိယိဿတိ။

၉၆။ တံ ကိဿ ဟေတု တထာဂတော ဟိ ဘိက္ခဝေ အရဟံ သမ္မာသမ္ဗုဒ္ဓေါ ဝီတရာဂေါ ဝီတဒေါ သော ဝီတမောဟော အဘိရူအဆမ္ဘိ အနုတြာသီ အပလာယီတိ။

၉၇။ ဣဒမဝေါစ ဘဂဝါ ဣဒံ ဝတ္တာန သုဂတော အထာ-ပရံ ဧတဒဝေါ စသတ္တာ။

၉၈။ အရညေ ရုက္ခမူလေ ဝါ သုညဂါရေ ဝ ဘိက္ခဝေါ အနုဿရေထ သမ္ဗုဒ္ဓံ ဘယံ တုမှာက နော သိ ယာ။

၉၉။ နော စေ ဗုဒ္ဓံ သရေယျာထ လောကဇေဋ္ဌံ နရာသဘံ အထ ဓမ္မံ သရေယျာထ နိယျာနိကံ သုဒေ သိတံ။

၁၀၀။ နော စေ ဓမ္မံ သရေယျာထ နိယျာနိကံ သုဒေသိတံ အထ သံဃံ သရေယျာထ ပုညက္ခေတ္တံ အ နုတ္တရံ။

၁၀၁။ ဧဝံ ဗုဒ္ဓံ သရန္တာနံ ဓမ္မံ သံဃဉ္စ ဘိက္ခဝေါ ဘယံ ဝါ ဆမ္ဘိတတ္ထံ ဝါ လောမဟံသော နဟေဿ တိ။

ဓဇဂုံသုတ္တံ နိဋ္ဌိတံ။

၈-အာဠာနာဋီယသုတ္တံ

၁၀၂။ အပ္ပသန္နေဟိ နာထဿ သာသနေ သာဓုသမ္ပတေ အမနုဿေဟိ စဏ္ဍေဟိ သဒါ ကိဗ္ဗိသကာရိ ဘိ။

၁၀၃။ ပရိသာနံ စတဿန္တံ အဟိံ သာယစ ဂုတ္တိယာ ယံ ဒေသေသိ မဟာဝီရော ပရိတ္တံ တံ ဘဏာမ ဟေ။

၁၀၄။ ပိပသိဿ စ နမတ္ထု စက္ခုမန္တ သ သိရိမတော သိခိဿာပိ စ နမတ္ထု သဗ္ဗဘူတာနုကမ္ပိနော။

၁၀၅။ ဝေဿဘုဿ စ နမတ္ထု နှာတကဿတပဿိနော နမတ္ထု ကကုသန္ဓဿ မာရသေနာပမဒ္ဓိနော

၁၀၆။ ကောဏဂမနဿ နမတ္ထု ဗြဟ္မဏဿ ဝုသီမတော ကဿပဿ စ နမတ္ထု ဝိပ္ပမုတ္တဿ သဗ္ဗမိ။

၁၀၇။ အင်္ဂီ ရသဿ နမတ္ထု သကျပုတ္တဿ သိရိမတော ယော ဣမံ ဓမ္မံ ဒေသေသိ သဗ္ဗဒုက္ခာပနုဒနံ။

၁၀၈။ ယေ စာပိ နိဗ္ဗု တာ လောကေ ယထာဘူတံ ဝိပဿိသုံ တေ ဇနာ အပိသုဏာထ မဟန္တာ ဝီတသာရဒါ။

၁၀၉။ ဟိတံ ဒေဝမနုဿနံ ယံ နမဿန္တိ ဂေါတမံ ဝိဇ္ဇာစရဏသမ္ပန္နံ မဟန္တံ ဝီတသာရဒံ။

၁၁၀။ ဧတေစညေစ သမ္ဗုဒ္ဓါ အနေကသတကောဋီယော သဗ္ဗေဗုဒ္ဓာ သမသမာ သဗ္ဗေဗုဒ္ဓာ မဟိဒ္ဓိကာ

၁၁၁။သဗ္ဗေ ဒသဗလူပေတာ ဝေသာရဇ္ဇေဟု ပါဂတာ သဗ္ဗေ တေ ပဋိဇာနန္တိ အာသဘံ ဌာနမုတ္တမံ။
၁၁၂။သီဟနာဒံ နဒန္တေ တေ ပရိသာသု ဝိသာရဒါ ဗြဟ္မစက္ကံ ပဝတ္တေန္တိ လောကေ အပ္ပဋိဝတ္တိယံ။
၁၁၃။ဥပေတာ ဗုဒ္ဓဓမ္မေဟိ အဋ္ဌာရသဟိ နာယကာ၊ ဗာတ္ထိံ သလက္ခဏူပေတာ သီတာနုပ္ပန္နာဓရာ။
၁၁၄။ဗျာမပ္ပဘာယ သုပ္ပဘာ၊သဗ္ဗေ တေ မုနိကုဉ္ဇရာ၊ဗုဒ္ဓော သဗ္ဗညုနော ဧတေသဗ္ဗေ ခိဏာသဝါ ဇိနာ
၁၁၅။မဟာပဘာ မဟာတေဇာ၊မဟာပညာ မဟဗ္ဗလာ။မဟာကာရူဏိကာ ဓိရာ၊သဗ္ဗေသာနံ သုခါဝ
ဟာ။

၁၁၆။ဒီပါ နာထာ ပတိဋ္ဌာ စ၊တာဏာ လေဏာစ ပါဏိနံ။ဂတီ ဗန္တူ မဟေသာသာ၊ သရဏာ စ
ဟိတေသိနော။

၁၁၇။သဒေဝကဿ လောကဿ၊ သဗ္ဗေ ဧတေ ပရာယဏာ။ တေသာဟံ သိရသာ ပါဒေ၊ ဝန္တောမိ
ပုရိသုတ္တမေ။

၁၁၈။ဝစသာ မနသာစေဝ၊ ဝန္တောမေ တေ တထာဂတေ ။ သယနေ အာသနေဌာနေ၊ ဂမနေ စာပိ
သဗ္ဗဒါ။

၁၁၉။သဒါသုခေန ရက္ခန္တု၊ဗုဒ္ဓော သန္တိ ကရာ တုဝံ။ တေဟိ တွံ ရက္ခိတော သန္တော၊ မုတ္တော သဗ္ဗဘ
ယေဟိ စ။

၁၂၀။သဗ္ဗရောဂါ ဝိနိမုတ္တော၊သဗ္ဗသန္တာပ ဝဇ္ဇိတော။ သဗ္ဗဝေရ မတိက္ကန္တော၊နိဗ္ဗုတော စတုဝံ ဘဝ။

၁၂၁။တေသံ သစ္စေန သီလေန၊ခန္တိ မေတ္တာဗလေန စ။တေပိ အမေ နုရက္ခန္တု၊အရောဂေန သုခေနစ။

၁၂၂။ပုရတ္ထိမသ္မိံ ဒိသာဘာဂေ၊ သန္တိ ဘူတာ မဟိဒ္ဓိကာ။ တေပိအမေ နုရက္ခန္တု၊ အရောဂေန သုခ
ေနစ။

၁၂၃။ဒက္ခိဏသ္မိံ ဒိသာဘာဂေ၊ သန္တိ ဒေဝါ မဟိဒ္ဓိကာ။ တေပိ အမေ နုရက္ခန္တု၊ အရောဂေန သုခ
ေနစ။

၁၂၄။ပစ္ဆိမသ္မိံ ဒိသာဘာဂေ၊ သန္တိ နာဂါ မဟိဒ္ဓိကာ။ တေပိ အမေ နုရက္ခန္တု၊ အရောဂေန သုခေနစ။

၁၂၅။ဥတ္တရသ္မိံ ဒိသာဘာဂေ၊သန္တိ ယက္ခမဟိဒ္ဓိကာ။တေပိ အမေ နုရက္ခန္တု၊အရောဂေန သုခေနစ။

၁၂၆။ပုရတ္ထိမေန ဓတရဋ္ဌော ၊ ဒက္ခိဏေန ဝိရူဠကော။ ပစ္ဆိမေန၊ ဝိရူပက္ခော၊ကုဝေရော ဥတ္တရံ ဒိသံ။

၁၂၇။စတ္တာရော တေ မဟာရာဇာ။လောကပါလာ ယသသိနော။ တေပိ အမေ နုရက္ခန္တု၊အရောဂ
ေန သုခေန စ။

၁၂၈။အာကာသဋ္ဌာစ ဘူမဋ္ဌာ၊ဒေဝါ နာဂါ မဟိဒ္ဓိကာ၊တေပိ အမေ နုရက္ခန္တု၊အရောဂေန သုခေနစ။

၁၂၉။ဣဒ္ဓိမန္တော စ ယေ ဒေဝါ၊ဝသန္တာ ဣဓ သာသနေ။တေပိ အမေ နုရက္ခန္တု၊အရောဂေန သုခ
ေနစ။

၁၃၀။သဗ္ဗိတိယော ဝိဝဇ္ဇန္တု၊သောကော ရောဂေါ ဝိနဿတု။မာ တေ ဘဝန္တန္တ ရာယာ၊သုခိ ဒီဃာယု
ကော ဘဝ။

၁၃၁။အဘိဝါဒန သီလိဿ၊နိစ္စံ ဝုဗ္ဗာပစာယိနော။စတ္တာရော ဓမ္မာ ဝမုန္တိ အာယုဝဏ္ဏော သုခံ ဗလံ။

၉-အင်္ဂုလိမာလသုတ္တ

၁၃၂။ပရိတ္တံ ယံ ဘဏန္တဿ နိသိန္နဋ္ဌာန ဓောဝနံ ။ ဥဒကမ္ပိ ဝိနာသေတိ ၊ သဗ္ဗမေဝ ပရိဿယံ။
 ၁၃၃။သောတ္တိနာ ဂဟ္တဝုဋ္ဌာနံ ယဉ္ဇ သာဓေတိ တင်္ခဏေ။ထေရဿ ဣလိမာလဿ၊ လောက နာထေန
 ဘာသိတံ။ကပ္ပဋ္ဌာယိ မဟာတေဇံ၊ပရိတ္တံ တံ ဘဏာမဟေ။
 ၁၃၄။ယတောဟံ ဘဂိနိ အရိယာယ ဇာတိယာဇာတော၊နာဘိဇာနာမိ သဉ္ဇိစ္စ ပါဏံ ဇီဝိတာ ဝေါရော
 ပေတာ၊တေန သစ္စေန သောတ္တိ တေ ဟောတု သောတ္တိ ဂဟ္တဿ။

အင်္ဂုလိမာလသုတ္တ နိဋ္ဌိတံ။

၁၀-ဗောဇ္ဈင်္ဂသုတ္တ

၁၃၅။သံသာရေ သံသာရန္တာနံ၊သဗ္ဗဒုက္ခဝိနာသနေ။ သတ္တ ဓမ္မေ စ ဗောဇ္ဈင်္ဂေ။ မာနသေနာပမဒ္ဒနေ။
 ၁၃၆။ဗုဒ္ဓိတွာ ယေစိမေ သတ္တာ၊တိဘဝါ မုတ္တ ကုတ္တမာ။အဇာတိ မဇရာဗျာဓိံ ၊အမတံ နိဗ္ဗယံဂတာ၊
 ၁၃၇။ဧဝမာဒိ ဂုဏုပေတံ၊ အနေကဂုဏ သင်္ဂဟံ။ ဩသဓဉ္စ ဣမံ မန္တံ ၊ ဗောဇ္ဈင်္ဂဉ္စ ဘဏာမ ဟေ။
 ၁၃၈။ဗောဇ္ဈင်္ဂါ သတိသင်္ခါတော၊ဓမ္မာနံ ဝိစယော တထာ။ဝီရိယံ ပီတိ ပဿဒ္ဓိံ၊ဗောဇ္ဈင်္ဂါ စ တထာ
 ပရေ။
 ၁၃၉။သမာဓုပေက္ခာ ဗောဇ္ဈင်္ဂါ၊ သတ္ထေတေ သဗ္ဗဒဿိနာ။ မုနိနာ သမ္မဒက္ခတာ၊ ဘာဝိတာ ဗဟုလိ
 ကတာ။
 ၁၄၀။သံဝတ္တန္တိ အဘိညာယ၊ နိဗ္ဗာနာယ စ ဗောဓိယာ။ ဧတေန သစ္စဝဇ္ဇေန၊ သောတ္တိတေ ဟောတု
 သဗ္ဗဒါ။
 ၁၄၁။ဧကသ္မိံ သမယေ နာထော၊မောဂ္ဂလ္လာနဉ္စ ကဿပံ။ဂိလာနေ ဒုက္ခိတေ ဒိသွာ၊ ဗောဇ္ဈင်္ဂေ သတ္တ
 ဒေသယိ။
 ၁၄၂။တေ စ တံ အဘိနန္ဒိတွာ၊ ရောဂါ မုစ္စိံ သု တင်္ခဏေ။ဧတေန သစ္စဝဇ္ဇေန၊ သောတ္တိတေ ဟောတု
 သဗ္ဗဒါ။
 ၁၄၃။ဧကဒါ ဓမ္မရာဇာပိ၊ ဂေလညေနာဘိပိဋိတော။စုန္ဒတ္ထေရေန တံယေဝ၊ဘဏာပေတွာန သာဒရံ။
 ၁၄၄။သမ္မောဒိတွာန အာဗာဓာ၊တမှာ ဝုဋ္ဌာသိ ဌာနသော။ဧတေန သစ္စဝဇ္ဇေန၊သောတ္တိ တေ ဟောတု
 သဗ္ဗဒါ။
 ၁၄၅။ပဟီနာ တေ စ အာဗာဓာ၊တိဏ္ဍန္တမိ မဟေသိနံ။မဂ္ဂဟတာ ကိလေသာဝ၊ပတ္တာ နုပ္ပတ္တိဓမ္မတံ။
 ဧတေန သစ္စဝဇ္ဇေန၊ သောတ္တိတေ ဟောတု သဗ္ဗဒါ။

ဗောဇ္ဈင်္ဂသုတ္တ နိဋ္ဌိတံ။

၁၁-ပုဗ္ဗဏှသုတ္တံ

၁၄၆။ယံ ဒုန္နိမိတ္တံ အဝမင်္ဂလဉ္စ ယော စာမနပေါ သကုဏဿ သဒ္ဓေါ။ပါပဂ္ဂဟောဒုဿုပိနံ အကန္တံ
ဗုဒ္ဓာနုဘာဝေန ဝိနာသ မေန္တု။

၁၄၇။ယံ ဒုန္နိမိတ္တံ အဝမင်္ဂလဉ္စ ယော စာမနပေါ သကုဏဿ သဒ္ဓေါ။ပါပဂ္ဂဟောဒုဿုပိနံ အကန္တံ
ဓမ္မာနုဘာဝေန ဝိနာသ မေန္တု။

၁၄၈။ယံ ဒုန္နိမိတ္တံ အဝမင်္ဂလဉ္စ ယော စာမနပေါ သကုဏဿ သဒ္ဓေါ။ပါပဂ္ဂဟောဒုဿုပိနံ အကန္တံ
သံဃာနုဘာဝေန ဝိနာသ မေန္တု။

၁၄၉။ဒုက္ခပ္ပတ္တာ စ နိဒ္ဒါက္ခာ ဘယပ္ပတ္တာ စ နိဗ္ဗယာ သောကပ္ပတ္တာစ နိဿောကာ ဟောန္တု သဗ္ဗေပိ
ပါဏိနော။

၁၅၀။ဧတ္တာဝတာ စ အမေဟိ၊ သမ္ဘတံ ပုညသမ္ပဒံ ။ သဗ္ဗေ ဒေဝါနုမောဒန္တု ၊ သမ္ဘသမ္ပတ္တိသိဒ္ဓိယာ။

၁၅၁။ဒါနံ ဒဒန္တု သဒ္ဓါယ၊သီလံ ရက္ခန္တု သဗ္ဗဒါ။ဘာဝနာဘိရတာ ဟောန္တု ၊ဂစ္ဆန္တု ဒေဝတာဂတာ။

၁၅၂။သဗ္ဗေ ဗုဒ္ဓာ ဗလပ္ပတ္တာ၊ပစ္စေကာနဉ္စ ယံ ဗလံ၊အရဟန္တာနဉ္စ တေဇေန၊ ရက္ခံ ဗန္ဓာမိ သဗ္ဗသော။

၁၅၃။ယံ ကိဉ္စိ ဝိတ္တံ ဣဓ ဝါ ဟုရ ဝါ သဂ္ဂေသု ဝါ ယံ ရတနံ ပဏီတံ၊ န နော သမံ အတ္ထိ တထာဂ
တေန ဣဒမ္ပိ ဗုဒ္ဓေ ရတနံ ပဏီတံ၊ ဧတေန သစ္စေန သုဝတ္ထိ ဟောတု။

၁၅၄။ယံ ကိဉ္စိ ဝိတ္တံ ဣဓ ဝါ ဟုရ ဝါ သဂ္ဂေသု ဝါ ယံ ရတနံ ပဏီတံ၊ န နော သမံ အတ္ထိ တထာဂ
တေန ဣဒမ္ပိ ဓမ္မေ ရတနံ ပဏီတံ၊ ဧတေန သစ္စေန သုဝတ္ထိ ဟောတု။

၁၅၅။ယံ ကိဉ္စိ ဝိတ္တံ ဣဓ ဝါ ဟုရ ဝါ သဂ္ဂေသု ဝါ ယံ ရတနံ ပဏီတံ၊ န နော သမံ အတ္ထိ တထာဂ
တေန ဣဒမ္ပိ သံဃေ ရတနံ ပဏီတံ၊ ဧတေန သစ္စေန သုဝတ္ထိ ဟောတု။

၁၅၆။ဘဝတု သဗ္ဗမင်္ဂလံ ၊ ရက္ခန္တု သဗ္ဗဒေဝတာ ၊ သဗ္ဗဗုဒ္ဓာနုဘာဝေန ၊ သဒါ သုခိ ဘဝန္တုတေ။

၁၅၇။ ဘဝတု သဗ္ဗမင်္ဂလံ ၊ ရက္ခန္တု သဗ္ဗဒေဝတာ၊ သဗ္ဗဓမ္မာနုဘာဝေန ၊ သဒါ သုခိ ဘဝန္တုတေ။

၁၅၈။ ဘဝတု သဗ္ဗမင်္ဂလံ ၊ ရက္ခန္တု သဗ္ဗဒေဝတာ ၊ သဗ္ဗသံဃာနုဘာဝေန၊သဒါ သုခိ ဘဝန္တုတေ။

၁၅၉။မဟာကာရုဏိကော နာထော။ ဟိတာယ သဗ္ဗပါဏိနံ။ပူရေတွာ ပါရမီ သဗ္ဗာ၊ပတ္တော သမ္မော
မိ မုတ္တမံ။ဧတေန သစ္စ ဝဇ္ဇေန သောတ္တိ တေ ဟောတု သဗ္ဗဒါ။

၁၆၀။ဇယန္တော ဗောဓိယာ မူလေ သကျနံ နန္တိ ဝဗုနော။ဧဝမေဝ ဇယော ဟောတု၊ဇယဿု ဇယမင်္ဂ
လေ။

၁၆၁။အပရာဇိတပလ္လင်္ဂေ၊သီသေ ပုထုဝိပုက္ခလေ။အဘိသေကေ သဗ္ဗဗုဒ္ဓာနံ၊အဂ္ဂပ္ပတ္တော ပမောဒတိ၊

၁၆၂။သုနက္ခတ္တံ သုမင်္ဂလံ၊သုပ္ပဘာတံ သုဟုဋ္ဌိတံ။ သုခဏော သုမုဟုတ္တော စ၊သုယိဋ္ဌံ ဗြဟ္မစာရိသု။

၁၆၃။ပဒက္ခိဏံ ကာယကမ္မံ၊ ဝါစာကမ္မံ ပဒက္ခိဏံ။ ပဒက္ခိဏံ မနောကမ္မံ ၊ ပဏီမိ တေ ပဒက္ခိဏေ။

၁၆၄။ပဒက္ခိဏာနိ ကတွာန၊ လဘန္တန္တေ ပဒက္ခိဏေ။တေ အတ္တလဒ္ဓါ သုခိတာ။ ဝိရုဋ္ဌာ ဗုဒ္ဓသာသ
နေ။ အရောဂါ သုခိတာ ဟောထ၊ သဟ သဗ္ဗေဟိ ဉာတိဘိ။

ပုဗ္ဗဏှသုတ္တံ နိဋ္ဌိတံ။
ပရိတ္တပါဠိ နိဋ္ဌိတော။